

## 09.03 MARELLA

### «Sin il viv!» – 112 Impuls en turnea

Per festivar il 25avr anniversari da l'emissiun ha RTR envidà a la turnea «Sin il viv!» En iert, en garascha u en il salun da coiffeur han 26 auturas ed auturs prelegì live 112 impuls.



Per la fin da l'onn lascha la «Marella» reviver ils set inscunters che RTR ha organisà quest onn en lieus tut spezials, nua che auturas ed auturs dals «Impuls» han prelegì davant public lur texts ch'ins auda uschiglio mintga damaun al radio. In'ura plain istorgias e vistas surprendentas sin noss mintgadi: L'istorgia da Jaja Uorschla che zercla ad in zerclar, davart la sfida da far stgandlers, daco che Bettina Secchi ha fadia cun chasar veglias engiadinaisas e Rut Plouda cun il tatgariel u lura las aventureas da Leo Tuor sch'el fa viadi en tren vers la Surselva. A pled vegn era Flurina Badel, la redactura da l'emissiun «Impuls» e manadra dal project «Sin il viv!».

*Redacziun: Guadench Dazzi*